

8. Odgovarajućim organima pružiti pomoć i nastojati da se što prije donesu propisi o evidentiranju i održavanju katastra podzemnih instalacija;
9. Kod nadležnih organa pokrenuti pitanje donošenja Zakona o komasaciji zemljišta.

S K U P Š T I N A

Društva geodetskih inženjera i  
geometara BiH

## Simpozijum o geodetskoj djelatnosti i inventarizaciji prostora

\*Neki detalji sa sastanka GIG-a Jugoslavije

### TEZE REPUBLIČKIH SAVEZA

U Novoj Gradišci održan je sastanak 7. i 8. novembra Saveza GIG-a Jugoslavije.

Na tom sastanku između ostalog bilo je govora o pripremama za Simpozijum o geodetskoj djelatnosti u inventarizaciji prostora.

Odlučeno je da se Savjetovanje održi na Bledu 23. i 24. IV 1970.godine.

Uz ovo Savjetovanje predviđeni su i jednodnevni i dvodnevni izleti po Sloveniji i u susjedne zemlje.

Izrada referata i koreferata za ovo Savjetovanje je u toku.

Ukoliko neko od naših članova iz Saveza SR BiH želi da učestvuje sa referatom ili koreferatom, isti treba da završi i pošalje našem Savezu najkasnije do 1.II 1970.godine.

Referati i koreferati koji stignu iza ovoga roka, neće se moći štampati o trošku Saveza, već će to morati učiniti sami referenti ili njegova organizacija i to u 500 primjeraka.

Nedavno nam je stigao od GIG-a Jugoslavije i jedan spisak tema koje bi se mogle obraditi pored glavnih referata za Simpozijum o geodetskoj djelatnosti u inventarizaciji prostora.

Evo tih tema:

- Tematska kartografija kod inventarizacije prostora.

- Decimnalna klasifikacija (moguće UDK) i njena upotreba kod inventarizacije prostora.
- Mikrofilm i sistemi mikrofilma, kao dokumentacija grafičkih i numeričkih informacija.
- Dogovor o jedinstvenom ključu za pojedine tematske izrade planova (npr. urbanistički planovi).
- Dosadašnje stručno zakonodavstvo i propisi i njihova uloga u geodetskoj inventarizaciji prostora.
- Pregled modernih reprodukcijских tehnika, najprikladnijih za brzu reprodukciju podataka inventarizacije.
- Stanje kadrova i potrebne mjere u tom smislu.
- Upotreba karte 1:5000 kao osnovnoga materijala (podloge) za inventarizaciju prostora.
- Topografska karta 1:25000 njena primjena i dostupnost kao osnovni materijal za izradu urbanističkih atlasa.
- Uloga geodetske službe i geodetskih radnih organizacija i oblici njihovog sudjelovanja kod geodetske inventarizacije prostora.
- Naučno istraživački rad i njegova uloga kod inventarizacije prostora.

Savez Jugoslavije je prihvatio prijedlog Dr Mirka Tomića da se sastanak Komisije za katastar FIG-e održi od 8-13.VI 1970.god. pod pokroviteljstvom Saveza Jugoslavije a u organizaciji Saveza Hrvatske, zapravo Podružnice Split.

U tom poslu Savez BiH preuzeo bi brigu oko prihvatanja gostiju za jedan dan u Sarajevu gdje bi se također vodili razgovori oko problema katastra. Tu bi se uključili u razgovore pored našeg Saveza i Republička geodetska uprava i Geodetski zavod.

Medju ostalim donijet je i zaključak da se koncem 1970.godine održi Savjetovanje u Skoplju na temu: "Održavanje premjera i katastra zemljišta - organizacija geodetske službe i normativi".

Na sastanku je bilo govora o tezama koje su izradili republički Savezi u vezi sa zaključcima na zadnjoj sjednici Predsjedništva održanoj aprila mjeseca u Otočcu (Slovenija).

Teze pojedinih Saveza donosimo u cijelosti a svoje primjedbe i mišljenja u vezi teza možete dostaviti našem Savezu također do 1.II 1970.godine.